



Komisija za vanjsku trgovinu i carine
Povjerenstvo za vanjsku trgovinu i carine
Broj: 01/3-50-1-3-22/08
Sarajevo: 3. juli 2008.godine

Комисија за спољну трговину и царине

Z A P I S N I K

22. sjednice Komisije za vanjsku trgovinu i carine Predstavničkog doma Parlamentarne skupštine Bosne i Hercegovine , održane 3. jula 2008.

Sjednica je počela u 12,30 sati.

Sjednicom je predsjedavala predsjedavajuća Komisije Snježana Rajilić.

Sjednici su prisustvovali članovi Komisije: Mehmed Suljkanović, Slavko Jovičić, Jozo Križanović, Šemsudin Mehmedović, Salko Sokolović, Jerko Ivanković Lijanović i Ekrem Ajanović.

Odsustvo je opravdao Hadži Jovan Mitrović.

Sjednici su, također, prisustvovali Sabrija Šerifović, pomoćnik ministra vanjske trgovine i ekonomskih odnosa BiH, Taufik Keč, viši stručni saradnik u Sektoru za carinsku politiku i carinske tarife Ministarstva vanjske trgovine i ekonomskih odnosa BiH; Radomir Marjanović, stručni savjetnik, Sonja Abdulovski, stručni saradnik u Komisiji za vanjsku trgovinu i carine, i Emira Češljarić, sekretar Komisije za vanjsku trgovinu i carine.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 21. sjednice Komisije,
2. Razmatranje Prijedloga zakona o zaštiti domaće proizvodnje u okviru Sporazuma CEFTA, predlagača Jerka Ivankovića Lijanovića, radi dostavljanja izvještaja Predstavničkom domu,
3. Tekuća pitanja.

Ad. 1. Usvajanje Zapisnika 21. sjednice Komisije

Zapisnik 21. sjednice Komisije usvojen je jednoglasno, bez primjedbi.

Ad. 2. Razmatranje Prijedloga zakona o zaštiti domaće proizvodnje u okviru Sporazuma CEFTA, predlagača Jerka Ivankovića Lijanovića, radi dostavljanja izvještaja Predstavničkom domu

Predsjedavajuća Komisije, Snježana Rajilić, upoznala je prisutne da je Jerko Ivanković Lijanović, poslanik u Predstavničkom domu Parlamentarne skupštine BiH, 24. 4. 2008., uputio Prijedlog zakona o zaštiti domaće proizvodnje u okviru Sporazuma o izmjeni i pristupanju

Centralnoevropskom sporazumu o slobodnoj trgovini (CEFTA 2006), sa zahtjevom za razmatranje po hitnom postupku, u skladu s članom 127. Poslovnika Predstavničkog doma.

Predstavnički dom je, na 28. sjednici, održanoj 29. aprila 2008., odlučio da Prijedlog zakona razmatra po skraćenom postupku, u skladu s članom 126. Poslovnika Predstavničkog doma, a na nastavku 29. sjednice, održane 4.6.2008., usvojio je navedeni Prijedlog zakona u prvom čitanju.

Na tekst navedenog zakona, a u skladu s odredbama Poslovnika, Direkcija za evropske integracije i Vijeće ministara BiH dostavili su mišljenje o usklađenosti zakona sa zakonodavstvom EU i nepostojanju pravnog osnova za njegovo usvajanje.

Konstatirano je da na tekst Prijedloga zakona nije bilo amandmana, ali je u međuvremenu članovima Komisije, na zahtjev predlagača zakona, dostavljen nalaz sudskog vještaka iz oblasti finansija vanjskotrgovinskog i carinskog poslovanja Taufika Keča o ispravnosti donošenja Prijedloga navedenog zakona.

U raspravi su učestvovali: Jerko Ivanković Lijanović, Šemsudin Mehmedović, Jozo Križanović, Snježana Rajilić, Slavko Jovičić i Ekrem Ajanović.

Jerko Ivanković Lijanović, kao predlagač zakona, objasnio je da je potpisivanjem Sporazuma o stabilizaciji i pridruživanju između evropskih zajednica i njihovih država članica, s jedne strane, i Bosne i Hercegovine, s druge strane, dodatno učinjen pritisak na domaću proizvodnju i naglasio da se u mišljenju sudskog vještaka, u zaključku, navodi opravdanost usvajanja navedenog zakona.

Sugerirao je da MVTEO ubuduće u prikazivanju statističkih podataka prikaže izdvojeno ukupno unutrašnju obradu i redovan izvoz.

Sabrija Šerifović, pomoćnik ministra vanjske trgovine i ekonomskih odnosa BiH, komentirao je pojedinačno svaki član Prijedloga zakona. Konstatirao je da se navedenim prijedlogom zakona ne osigurava provođenje Sporazuma CEFTA, nego da se njime direktno krše odredbe Sporazuma. Dodao je da je sve što je ovim zakonom predviđeno već je sadržano u Sporazumu CEFTA i pravilima WTO-a i da će se na nivou MVTEO formirati odjeljenje koje će obavljati poslove za uvođenje zaštitnih mjera za zaštitu domaće proizvodnje od prekomjernog uvoza. Za prekomjerni uvoz prethodno treba sačiniti analizu, zatim dokazati postojanje prekomjernog uvoza, kojim se nanosi ozbiljna šteta domaćoj proizvodnji i preduzeti određene procedure na osnovu odredbi Sporazuma CEFTA.

Taufik Keč istupio je kao vještak, objašnjavajući odredbe članova GATTA (Općeg sporazuma o carini i trgovini) čije je odredbe citirao u nalazu. Mišljenja je da odredbe predloženog zakona nisu u suprotnosti sa Sporazumom CEFTA i međunarodnim obavezama.

U okviru rasprave konstatirano je da u Bosni i Hercegovini ne postoji dovoljno jak mehanizam kojim bi se dokazao poremećaj, odnosno da je ugrožena domaća proizvodnja. Potrebno je vratiti se na suštinu Zakona, a ne voditi političke dijaloge.

Nakon rasprave, Komisija je, **sa šest glasova „za“ i dva "suzdržana" glasa, prihvatila tekst Prijedloga zakona o zaštiti domaće proizvodnje u okviru Sporazuma CEFTA, predlagača Jerka Ivankovića Lijanovića**, i na osnovu člana 111. Poslovnika Predstavničkog doma, podnijet će izvještaj Predstavničkom domu.

Komisija je, sa sedam glasova "za" i jednim "suzdržanim" glasom, **z a k l j u č i l a da** se obrati Delegaciji Evropske komisije u BiH s molbom za prijem na razgovor tri člana Komisije s predstavnicima Evropske komisije radi dobivanja mišljenja da li je predloženi tekst zakona u suprotnosti sa Sporazumom o stabilizaciji i pridruživanju. Tekst Zakona dostaviti u prilogu.

Ad. 3. Tekuća pitanja

U okviru ove tačke predsjedavajuća Komisije obavijestila je prisutne o sljedećem:

- a) da će, nakon obavještenja Kolegija Predstavničkog doma, koji će sjednicu održati 8.7. 2008., kada će odrediti da ja Komisija nadležna za razmatranje Prijedloga zakona o izmjenama i dopuni Zakona o carinskoj politici BiH, predlagača Vijeća ministara BiH, upućenog na razmatranje po osnovnom zakonodavnom postupku 26.6.2008., u roku od 10 dana razmatrati Prijedlog zakona i dostaviti mišljenje za narednu sjednicu predsjedavajućem Doma o principima zakona;
- b) članovi Komisije obaviješteni su da Odbor za gospodarstvo Sabora Republike Hrvatske nije u mogućnosti realizirati susret članova radnih tijela, prije jesenjeg zasjedanja Sabora Hrvatske. O istom pitanju Crna Gora i Turska do sada nisu odgovorile na dopise Komisije;
- c) također, članovi Komisije upoznati su s obavezom dostavljanja Izvještaja o radu za period januar-juni 2008. Komisije prema dopisu sekretara Zajedničke službe od 18.4.2008., shodno Zaključku Kolegiju Predstavničkog doma Parlamentarne skupštine BiH. Sekretar Komisije obavezan je da izradi pomenuti izvještaj.

Sjednica je završena u 14 sati.

Sekretar Komisije
Emira Češljar

Predsjedavajuća Komisije
Snježana Rajilić